

中國方志叢書·華北地方·第四五九號

據

民國·王琴林等纂修
民國二十一年刊本

影印

河南省

禹縣志

(五)

成文出版社有限公司印行

高縣志卷十八

官師傳

朱志傳首仕禹別良吏宦績二目按史傳善惡並載郡縣志則有善無惡矣自非康海不敢冒武功志例也子貢方人難免師責孟堅人表猶乖平議末世月旦直澆風耳善斯可矣未數數然也今並去良吏宦績之名渾曰官師

韓昭申不害者京人也故鄭之賤臣學術以干韓昭侯昭侯用爲相內修政教外應諸侯十五年終申子之身國治兵彊無侵韓者申子之學本於黃老而主刑名著書二篇號曰申子史記昭侯八年申不害相韓修術行道國內以

治諸侯不來者代二十不害死

史記韓世家

漢潁川太守趙廣漢字子都潁郡潁川人少為郡吏州從

事舉茂才為陽翟令治行尤異遷潁川都尉以宣帝定策

功賜爵關內侯遷潁川太守郡大姓原籍宗族橫恣賓客

犯為盜賊前二千石莫能制廣漢既至數月誅原籍首

惡郡中震栗先是潁川家桀大姓相與為婚姻吏俗朋黨

廣漢志之驕使其卑可用者受記出有案問既得罪名行

法罰之廣漢故滯滯其語令相怨咎及教吏為鈔簿及得

投書刺其王名而託以為豪桀大姓子弟所言其後彊宗

大族家家結為仇讐姦黨散藩風俗大改吏民相告許廣

漢得以爲耳目盜賊以故不發發又輒得壹切治理威名
流聞及匈奴降者言匈奴中皆聞廣漢廣漢爲人彊力天
性精於吏職尤善爲鈞距以得事情它人莫能及也郡中
賊盜閭里輕俠其根株窟穴所在及吏受取請求銖兩之
姦皆知之所居好用世吏子孫新進年少者專屬彊壯蠶
氣見事風生無所回避率多果敢之計莫爲持難後以論
丞相魏相妻殺婢事不實論死

漢書本傳

潁川太守韓延壽字長公燕人也徙杜陵少爲郡文學以
父義諫燕王死擢諫大夫遷淮陽太守徙潁川潁川多豪
彊難治國家常爲選良二千石先是趙廣漢患其俗多朋

黨故構會吏民令相告訐一切以爲醜聞類川由是以爲
俗民多怨讐延壽更之教以禮讓恐百姓不從乃歷召郡
中長老爲鄉里所信向者數十人設酒具食親與相對接
以禮意人人問以謠俗民所疾苦爲陳和睦親愛銷除怨
咎之路長老皆以爲便可施行因與議定嫁娶喪祭儀品
畧依古禮不得過法延壽於是令文學掾官諸生皮弁執
俎豆爲吏民行喪嫁娶禮百姓遵用其教賣偶車馬下里
僞物者棄之市道數年徙東郡太守遷左馮翊後以與御
史大夫蕭望之爭事爲望之所持宣帝惡延壽遂論死吏
民冤之延壽爲吏上禮義好古教化所至必聘其賢士以

禮待用廣謀議納諫爭舉行喪讓財表孝弟有行修治學
官春秋鄉射陳鐘鼓管絃盛升降揖讓及都試講武設弁
鉞旌旗習射御之事治城郭收賦租先明布告其日以期
會爲大事吏民敬畏趨鄉之又置正五長相率以孝弟不
得舍姦人閭里阡陌有非常吏輒聞知姦人莫敢入界其
始若煩後吏無追捕之苦良無筆楚之憂皆便安之其後
黃霸代延壽居潁川因其蹟而大治

漢書本傳

潁川太守黃霸字次公淮陽陽夏人也以豪桀役使徒雲
陵少學律令喜爲吏自武帝末用法深昭帝立幼大將軍
霍光秉政大臣爭權遂遵武帝法以刑罰痛繩羣下繇是

俗吏尙嚴詰以爲能竊獨以寬和名宣帝卽位以夏生勝
薦擢爲揚州刺史三歲下詔曰制詔御史其以賢良高第
揚州刺史霸爲潁川太守秩比二千石居官賜車蓋特高
一丈別駕王簿車綈油屏泥於車轍前以彰有德時上垂
意於治數下恩澤詔書吏不奉宣太守霸爲選擇良吏分
部宣布詔令令民咸知上意使郵亭鄉官皆畜雞豚以贖
鰥寡貧窮者然後爲條教置父老師帥伍長班行之於民
間勸以爲善防姦之意及務耕桑節用植財種樹畜養去
食穀馬米鹽靡密初苦煩碎然霸精力能推行之吏民見
者語次尋繹問他陰伏以相參考嘗欲有所伺察擇長年

廉吏遣行屬台周密吏出不敢舍郵亭食於道旁烏攫其肉民有欲詣府口言事者適見之霸與語道此後日吏還謁霸霸見迎勞之曰甚苦食於道旁乃爲烏所盜肉吏大驚以霸具知其起居所問毫釐不敢有所隱鱗寡孤獨有死無以葬者鄉部書言霸具爲區處某所大木可以爲棺某亭猪子可以祭吏往皆如言潁川有富室兄弟同居兩婦皆懷妊數月長婦胎傷因閉匿之產期至同到乳舍弟婦生男夜因盜取之爭訟三年州郡不能決霸出坐殿前令卒抱兒去兩婦各十餘步叱曰自往取之長婦抱持甚急兒大啼叫弟婦恐傷害因乃放與而心甚自懷滄長婦

甚喜霸曰此弟婦子也責問大婦乃伏其識事聰明如此
吏民不知所出咸稱神明姦人去入他郡盜賊日少霸力
行教化而後誅罰務在成就安全長吏許丞病壘督郵白
欲逐之霸曰許丞廉吏雖老尙能拜起送迎止頗重聽何
傷且善助之母失賢者意或問其故霸曰數易長吏送故
迎新之費及姦吏緣絕簿書盜財物公私費耗皆出於民
所易新吏又未必賢或不如其故徒相益爲亂凡治道去
其太甚者耳霸以外寬內明得吏民心戶口歲增治爲天
下第一徵守京兆尹秩二千石坐發民治馳道不先以聞
又發騎士詣北軍馬不適士劾乏軍興連貶秩有詔歸類

川太守官以八百石居治如其前前後八年郡中愈治是時鳳凰神爵數集郡國潁川尤多天子以霸治行終長者下詔稱揚曰潁川太守霸宣布詔令百姓鄉化孝子弟弟貞婦順孫日以衆多田者讓畔道不拾遺養視鰥寡贍助貧窮獄或八年無重罪囚吏民鄉於教化興於道誼可謂賢人君子矣書不云乎股肱良哉其賜爵關內侯黃金百斤秩中二千石而潁川孝弟有行義民三老力田皆以差賜爵及帛後數月徵爲太子太傅遷御史大夫五鳳三年代丙吉爲丞相封建成侯自漢興言治民吏以霸爲首甘

露三年薨謚曰定

漢書本傳
意林

潁川太守毋將隆字君房東海蘭陵人大司馬車騎將軍
王音奏請爲從事中郎遷諫大夫隆奏封事言宜徵定國
王使在國邸以鎮萬方綏和元年上竟立定國王爲太子
隆遷冀州牧潁川太守哀帝卽位以高第人爲京兆尹歷
執金吾後以不附王莽爲所免

漢書本傳

潁川太守嚴詡陵陽人以孝行爲官詡掾吏爲師友有過
輒閉閣自責終不大言郡中亂王莽遣使徵詡官屬數百
人爲設祖道詡據地哭掾吏曰明府吉徵不宜若此詡曰
吾哀潁川士身豈有憂哉我以柔弱徵必選剛猛代代到
將有僵仆者故相弔耳詡至拜爲美俗使者

漢書何並傳

潁川太守何竝字子廉祖父以吏二千石自平輿徙平陵
竝爲郡吏至大司空掾事何武武高其志節舉能治劇爲
長陵令道不拾遺哀帝時自隴西太守徙潁川代嚴詡是
時潁川鍾元爲尙書令領廷尉用事有權弟威爲郡掾贖
千金竝爲太守過辭元元免冠爲弟請一等之罪願早就
髡鉗竝曰罪在弟身與君律不在於太守元懼馳遣人呼
弟陽翟輕俠趙季李欵多畜賓客以氣力漁食閭里至姦
人婦女持吏長短聞竝且至皆亡去竝下車求猛勇曉文
法吏且十人使文吏治三人獄武吏往捕之各有所部赦
曰三人非負太守乃負王法不得不治鍾威所犯多在赦

前驅使人函谷關勿令汙民間不入關乃收之趙李桀惡
雖遠去當得其頭以謝百姓鍾威負其兄止緡陽吏格殺
之亦得趙李宅郡持頭還並皆懸頭及其具獄於市郡中
清淨表善好士見紀穎川名次黃霸性清廉妻子不至官
舍數年卒疾病召丞掾作先令書曰告子恢吾生素餐日
久死雖當得法賻勿受葬爲小椁直容下棺恢如父言王
莽擢恢爲國都尉建武中以並孫爲郎史臣班固謂並之

節亞尹翁歸云

漢書本傳

穎川太守寇恂字子翼上谷昌平人從光武兵間爲偏將
軍建武二年坐繫考上書者免是時陽翟嚴終趙敦聚衆

萬餘與密人賈期連兵爲寇恂免數月復拜潁川太守與
破姦將軍侯進俱擊之數月斬期首郡中悉平定封恂雍
奴侯邑萬戶時執金吾賈復在汝南部將殺人於潁川恂
捕得繫獄時尙草創軍營犯法率多相容恂乃戮於市復
以爲恥還過潁川謂左右曰吾與寇恂並列將帥而今爲
其所陷大丈夫豈有懷侵怨而不決之者乎今見恂必手
劍之恂知其謀不欲與相見谷崇曰崇將也得帶劍侍側
卒有變足以相當恂曰不然昔藺相如不畏秦王而屈於
廉頗者爲國也區區之趙尙有此義吾安可以忘之乎乃
敕屬縣盛供具儲酒醪執金吾軍入界一人皆兼二人之

饌恂乃出迎於道稱疾而還復勒兵欲追之而吏士皆醉遂過去恂遣谷崇以狀聞帝乃徵恂恂至引見時復先坐欲起相避帝曰天下未定爾虎安得私鬪今日朕分之於是並坐極歡遂共車同出結友而去恂歸潁川三年遣使者即拜爲汝南太守七年代朱浮爲執金吾明年從車駕擊隗囂而潁川盜賊羣起帝乃引軍還謂恂曰潁川迫近京師當以時定惟念獨卿能平之耳從九卿復出以憂國可知也恂對曰潁川剽輕聞陛下有事隴蜀故狂狡乘間相誑誤耳如聞乘輿南向賊必惶怖歸死臣願執銳前驅即日車乘南征恂從至潁川盜賊悉降而竟不拜郡百

姓遮道曰願從陛下復借寇君一年乃留恂長社鎮撫吏人受納餘降後從駕入關平隗囂將高峻十二年卒謚曰威

後漢書本傳

穎川太守郭伋字細侯扶風茂陵人少有志行哀平間辟大司空府世祖初穎川盜賊羣起建武九年徵拜太守召見讎謁帝勞之曰賢能太守去帝城不遠河濶九里冀京師并蒙福也君雖精於追捕而山道險阨自鬪當一士耳深宜慎之伋到郡招懷山賊陽夏趙宏襄城召吳等數百人皆束手詣伋降悉遣歸附農因自刎專命帝美其策不以咎之後宏吳等黨與聞伋威信遠自江南或從幽冀不